


SORS HVMANA
 Ipsis Exequiis
 VIRI
 PRÆNOBILISSIMI, & AMPLISSIMI
 DOMINI
JOHANNIS
NOGGII,

*Consulis inclutæ Reip. Thorun. Gravissimi,
 Proto-Camerarii Dignissimi,*

Cita quidem, beata tamen morte die 5. Dec. hor. 2. pòm.
 rebus mortalium erepti, & 10. mens. ejusdem ritu so-
 lenniori honori rifice contumulati,

Pro sorte ingenii parum felicitis ac minus exercitati
 vili rudique Minerva
 præsentata
 ab

HENRICO REICHELIO.



THORUNI, Impressit Iohann. Nicolai, NOBIL. SENAT. & GYMN. Typographus.

C 233

LECTOR AMICE,
Vin' paucis *Sortem Humanam?*

habe tribus:

Nasci. Vivere. Mori.

nasci, honeste:

vivere, pie!

mori, beate.

nasci honeste, multum:

vivere pie, plus:

mori beate, plurimum

partim ad vitam præteritam,

partim ad præsentem,

partim denique etiam ad futuram facit.

Bene huic,

cujus vita virtutibus magis, quam vitiis celebrata:

melius,

cujus fama veritate magis, quam vaniloquio decantata:

optime,

cujus ætas pietate magis, quam annis cumulata.

Magnæ ducitur laudi,

morum s̄vavitate esse spectabilem:

majori,

virtutum splendore memorabilem:

maximæ,

fidei ac religionis cultu venerabilem.

Magnus hic Consul noster

pl. Tit.

JOHANNES NOGGIUS,

quem ultima vitæ periodus
in parvum contraxit dissyllabon,

nempe: VIXIT.

omnibus hisce enumeratis,

dum VIXIT,

maxime fuit insignis.

nota cuilibet

honestæ ejus Nativitas:

constat inter omnes

piæ illius Vita:

manifesta universis

Mors ejusdem beata.

Morum

Morum suavitate multos ad vitam moratam perduxit :
Virtutum splendore omnes, quos poterat, ad virtutem adduxit :
Fidei ac Religionis cultu singulis in vita religiosa præluxit.

Ceterum

Fortunam quam habuit,
semper reverenter habuit.
in secundis nunquam elatus,
in adversis minime fractus :
naturam hoc in passu imitatus
non variabilis Chamæleontis,

sed constantis Leonis,

cum lemmate :

SEMPER IDEM.

memor illius,
turpe esse Viro, in horas mutari.

Præterea

animus ejus usque intentus fuit DEO,
oculi affixi cœlo,
manus paratæ auxilio,
pedes subsidio,
totum denique corpus proximi saluri & commodo.

Tandem

ita se diu novit CONSULEM,
ut ob vires mire indies auctas vel in senio etiã se nesciverit senem.

Nunc,

licet ex insperato,
gaudiis dudum speratis potitus
secura ad Superos ivit rramite,
tot exantlati laboris ac molestiæ
tantarumq; ærumnarum totus securus,
vitamque
quam in vita amisit debilem ac fragilem,
in cœlo mutavit in constantem ac meliorem.

TV,

quisquis es, Viator,
habes hic & legenda & lugenda :

lege

tuum momentum in hujus monumento,
multum in illo, non multa invenies,
si pensiculate, non perfunctorie legeris.

Luge

Ejus Mortem,
per merita gloriæ coacervatæ immortalem,

aut

aut potius vitam,
nemini noxiam,
multis proficiam,
cunctis probatam,

quam,
crudeli manu
atrox succidit Atropos.

Dormit nunc,
solicito corporis solutus ergastulo,
somnum naturæ perpetuum,
evigilaturus

ad perenne cœlorum gaudium.
Tumulus hic

corpus Illius quidem premit,
sed attollit Famam;
ossa regit,

sed prodit Virtutem,
tubis sonoris

tam Vrbi, quam Orbi
post tristia etiam fata promulgandam,
cujus industriâ,

aliorum incommoda absumens
seipsum consumpsit.


His abi,
& manibus ejus bene precare,

precatus autem
SORTEM expecta,
si non parem aut eandem,
beatam tamen ac felicem,
omnibus beatis

tempore suo
a DEO temporis Autore
definito
propediem affulsuram.

VALE.

§(O)§



Gedruckt